

Curriculum Vitae – Lene Kielsen Holm

Inuusooq:

Qaqortumi maajip 17-ani 1963

Ilinniagai:

1970-1981	Qaqortumi meeqqat atuarfianni atuarpoq
1981-1984	Gymnasiami atuarpoq, Struer Statsgymnasium Danmark
1986-1988	Aspirantitut ilinniarpoq Grønlandsly A/S-imi
1991	Tunngaviusumik Ilisimatusarfimmi ilinniarpoq (Basis)
1992	Ilisimatusarfimmi Inuiaat Piorsarsimassusaasalu Oqaaluttuarisaanerat pillugu immikkoortortaqarfimmi ilinnialerpoq
1994-1995	Université Laval, Québec, Departement d'Anthropologiemmi paarlaasseqatigiinnermut suleqatigiinneq tunngavigalugu ilinniartuuvoq
1995-1997	Ilisimatusarfimmi Inuiaat Piorsarsimassusaasalu Oqaaluttuarisaanerat pillugu immikkoortortaqarfik
1997	B. A. Inuiaat Piorsarsimassusaasalu Oqaluttuarisaanneranni, Ilisimatusarfik
1997-2002	Kandidatinngorniarpog Inuiaat Piorsarsimassusaasalu oqaluttuarisaanneranni Ilisimatusarfimmi
2002	Cand. Phil. Inuiaat Piorsarsimassusaasalu Oqaluttuarisaanneranni Ilisimatusarfimmi

Suliffigisimasai:

1988-1991	Grønlandsfly A/S-imi trafik assistentitut, Nuummi
Upernaaq Aasaq 1997	Inuit Kulturiat pillugu Ilisimatusarfimmi ilinniartitsivoq Ilisimasassarsiorneq Ilulissani Qeqertamilu, "Aalisartut avangiisiminnut nungusaataangitsumillu uumassuilinnik atuineq pillugu paasinnittaasiat pillugu"
Ukiaq 1997	Inuiaqatigiilerineq pillugu Palasinngorniat ilinniarfianni ilinniartitsivoq
Aasaq 1998	1997-imi ilisimasassarsiorneq nanginneqarpoq
Aasaq 1998	ICC-p Nuummi ataatsimeersuarnerani oqalutsitut sulivoq
Aasaq 1999	Mellem Folkeligt Samvirkemi (Danskit inunnik ikiuiniaqatigiiffiat) sullippaa, Nunatsinni Guatemalamilu
Upernaaq 2000	Inuit filosofiit pillugu ataatsimeeqatigiissitsineq suleqataaffigaa peqataaffigalugulu
Aasaq 2000	Inuit Kulturiat pillugu nunat avannarlermiunut Ilisimatusarfimmi ilinniartitsivoq
2000-2001	Oqaasileriffimmi Nunatsinni oqaatsit pillugit politikkeqalernissamut suliniummi ataqatigiissaarisutut sulivoq
2001	Oqaatsinut politikkeqalernissamut Kangerlussuarmi ataatsimeersuartsineranni ataqatigiissaarisutut sulivoq

2002-2003	Ineqarnermut attaveqatigiinnermullu naalackersuisumut allattaavoq
2003	ICC-mi avatangiisinut pijuuartitsinermullu immikkut ilisimasalittut siunnersortitut atorfinippoq
2003	Nunat inoqqaavisa ilinniartitaanerannut ataqatigiissaarinermik suliaqarpoq, International Training Center of Indigenous Peoples on International Human Rights Instruments (ITCIP) 2003-mi Nuummi pisumi
2005	Pinngortitaleriffimmi siulersuisunut siulittaasunngorpoq

Ilisimatusarfimmi ilinniakkaminik naammassereermermi kingorna Lene Kielsen Holm ukioq ataatsip missaa naalackersuisumut allattaareerluni ICC-mi atorfinippoq, tassaniinnermilu ukiut qulingiluassaanut qaammat ataasiujunnaartoq Pinngortitaleriffimmi Silap Pissusianut Ilisimatusarfimmi atorfinilluni.

ICC-mi sulinini naallugu avatangiisinut pijuuartitsinermullu tunngasunik immikkut akisussaaffeqarluni suliaqartarsimavoq, tamannalu tunaartaralugu ilaatigut Issittumi Siunnersuisoqatigiit suliaat malinnaaffigisimallugit. Issittumi Siunnersuisoqatigiit tassaapput nunat arfineq pingasut issittumiittut siunnersuisoqatigiiffiat, nunat inoqqaavisa arfinillit aalaakkaasumik ilaasortaaffigisaat, pingaarnertut avatangiisit pijuuartitsinissarlu pillugit suliaqartuusut.

Issittumi Siunnersuisoqatigiinni ilisimatusarnermut sulianut assigiinngitsunut Issittumi Siunnersuisoqatigiinni pijuuaannartitsineq pillugu suleqatigiinni peqataasarsimavoq, nunat tamalaat akornanni aqutsisunut ilaasortaasarsimalluni, suliat tassaallutik: **‘Women’s Participation in Decision-Making Processes in Arctic Fisheries Resource Management’, 2004** aammalu **‘Women and Natural Resource Management in the Rural North’, 2006.**

Lene K. Holmip Kalaallit Nunaanni pisuussutinik uumassusilinnik atuinermi aqutsinikkut suleqatigiiffiit assigiinngitsut ICC sinnerlugu ataatsimeeqataaffigisarsimavai, soorlu ilaatigut Arfanniarneq pillugu ataatsimiititaliarsuaq, Inetrnation Whaling Commission. aamma Atlantikoq Avannarlermi Miluumasut pillugit Ataatsimiititaliaq, NAMMCO.

ICC-p ataatsimeersuarneri marluk aaqqissuusseqataaffigisimavai, siulleq 2006-imi Utqiagyvimmi (Barrow) Alaskami pisoq tullialu Nuummi 2010-mi pisoq. Aammalu Københavnimi COP 15-ip ingerlanneqarnerani ICC-p immikkut pititsineri aaqqissuusseqataaffigisimallugit.

2005-imi Lene Kielsen Holmip suliaq taasaq: Sila-Inuk aallartippaa, tassaasoq sine-rissami aalisartut, piniartut savaatillit allallu silamik malittarinnittut avatangiisiminnut allannguutitut misigisaat pillugit apersuiartornerit, Kalaallit Nunaanni Aalisartut Piniartullu Kattuffiat, KNAPK suleqatigalugu suliaasoq. Sila-Inuk tunuliaqutaralugu Lene Kielsen Holm nunat tamalaat akornanni sulianut assigiinngitsunut peqataasarsimavoq, taamaasillunilu atuakkanik assigiinngitsunik saqqummeeqataasarsimalluni, silap pissusiata allanngoriartorneranut tunngatillugu pingaartumik issittumi nunat inoqqaavisa maluginiagaat pillugit. Tamakkununga ilaalluni suliaq: **“SIKU: Knowing Our Ice’.**

Documenting Inuit Sea-Ice Knowledge and Use”.Suliaq taanna Issittumut Ukiorititat, 2007-2008-imi ingerlanneqarneranni suliaapput naqitatullu saqqummerlutik 2010-mi. Suliaq alla tassaavoq: **‘Polar Bears in Northwest Greenland. An Interview Survey about the Catch and the Climate’**, tamatumani nunatsinni, Upernavimmi Qaanaamilu nannunniat apersoriartorlugit katersivigineqarsimapput, Pinngortitaleriffimmi nannunut ilisimatuut suleqatigalugit. **Siku-Inuit-Hila** suliaq tassaavoq nunat tamalaat akornanni piniartut, Alaskameersut, Canadameersut Nunatsinnilu Qaanaameersut aammalu ilisimatusartut, assigiinngitsunik ilisimatusaatillit ilisimasaminnik paarlaasseqatigiinnerat, pingaarnertut aallaavigalugu immap sikua. Lene Kielsen Holm suliami tassani nunatsinniit peqataatitanut ataqatigiissaarisutut akisussaavoq, suliallu naqitanngorluni saqqummernissaa naatsorsuutigineqarpoq 2012-imi ukiakkut pinissaa.

Lene Kielsen Holm ataatsimeersuarnerni assigiinngitsuni saqqummiisutut oqallissaareqataasutullu qaaqqusaasarsimavoq, pingaartumik avatangiisinut pisuussutinullu uumassusilinnut nunallu inoqqaavinut tunngasunik sammisaqarnerni.